

اوپات گروپو گېزىتى

هفتەلىق سىياسى ، ادبى ، علمى غىزىتە در

جلد : ۳

سنة : ۲ ۲۴ جازى الاخر ۱۳۳۶ جمعه ايرتسى ۶ نيسان ۱۹۱۸ نوسرو ۳۱—۶۲

ضياغ مؤسفف

هېئت ھامىد و قلمىد مزارى مېندى مجموعىدىن تىزىپى و فوھىرى ابرازىدە ھالى قالمىدە
نكار ھانم افندىنىڭ افولى تونى عثمانلى منورائى و تونى ايتھىدىر . مەھمۇدنىڭ غىبىرىت
اېمپىرىيە مەفكەرلىك قىلىندە ھاسىل اولاندى ياكى دالم ، شەئىرلىرىنىڭ عالمى علمى و عرفانىدە
اھىزىل ايتىدىكى موقىع اھىزىل قىلىندە .
تونى ارباب فەكرىمىدە مەھمۇدنىڭ خەدوملىرىدە غەرىبىيەت ايتىدۇ . رەھمەت اللە ھامىد

اھمال فكار

رضا توفىق و فائىز ھالى بىلەن

نامە مكشوف

بى نىصل بىلەن سىز ؛ مەنەببىم ؟ سىز رضا توفىق بىك استادىم ، پروزىسىز ، مەكامل
بىر لسان ايله آچىق تىزىم ، پارمىق ھىسابى شەئىرلىرى يازدىكىز . بونلاردىن بىر قانچىلىك ئىشلىرى شەئىرى
بىك ھائىدور .

بحر سفید ساحلنده کائن اولان مارسلیاده دها فضله اولسی لازم کوردی، حالبوکه نتیجه برعکس ظهور ایدیور، احوال اقلیمیه (عرض درجه سی) تأثیرینه غلبه سنی بوراده پک بارز کوستریور، برده (مانجستر)، (لیورپول) کبی انکیز شهرلینه باقاجق اولورسه ق بورالرده یاغموور مقدار وسطیسی (عرض) درجه سینه نسبت یوکسک بولاجق، بوحال یینه تأثیرات اقلیمیه نک برولیدر، بوشهرلرک بحر محیط تأثیرینه معروض آطه لرده مینی اولسی و (غولف استریم) ه جوار بولملری بو نتیجه یی تولید ایدیور.

برآزده آمریکا و هندستان شهرلینه باقالم، بورالرده عرض درجه سی تأثیریه احوال اقلیمیه نک تعارض ایتدکلی، بالعکس یکدیگرینه موازی حرکت ایتدکلی مشاهده ایدیور. یالکز هندستانده کی (چراپوندی) شهرنده ایش بردنبره آلت واوست اولور، اقلیمی نفوذ، درجه عرض تأثیرینی تماماً اسکات ایدرک یاغموور مقدار وسطیسی بردنبره کورلمه مش درجه یه، (۱۲) !! متریه قدر چقاریر.

عبد الفیاضه نوفیس

افزون اجتماعی تبعاعده :

قانون مدنیزده شایان تدقیق بر مسئله

جمعیات بشریه نک آهنگ وانتظامی تأمین ایتک ایچون فردیتلر آره سنده تکیون ایدن منازعات واختلافاتی حل وتجاوزاتی منع وکسر غایه سینه معطوف برچوق دساتیر وقواعد وضعنه مجبوریت حاصل اولمشدرکه قوانین عمومی نک حکمت تدوینی بواساس اجتماعی به مستنددر.

فقط قوانین موضوعه، طینت بشرده مرکوز اولان بعض تمایلات ردیه نک ازاله ویا تهوین تأثیراته تمامیه کافی دکدر. دین، تربیه و اخلاق فاضله، انسانک، بر مقتضای جدانیت ارتکاب ایدمجه کی قبایح و فضایح امکان دائره سنده منع ایتک خواصتی حائر بر عامل مؤثردر. بونک ایچوندرکه محیط، زمان و سویه یی دائماً نظردن دور طوتمیه رق قوانین تدوین ایدنلر، بومهم عناصردن استفاده یی بیلمش واحکام موضوعیه هپ بو ماهیت فضیلت کاری یی افاضه یه چالیشمشلردر. واقعا دنیا ده هیچ برشی کال اوزره جاری دکدر. بناء علیه احکام موضوعه ده کلیت آرامق، اونلرک لایتغیر اولدیغنی تصدیق دیمک اولورکه بو، هرکون معروض تکذیب باطل برادعادر. نه دین، نه اخلاق، نه ده قوانین موضوعه، بشریتی لوٹ ردائندن تمامیه تطهیر ایدممه مش ایسه ده افراد آره سنده کی مناسبات اجتماعی یی تنسیق وتنظیم نقطه سنده شایان شکران نتایج واصل اولمشدر.

بو مقدمه دن بر نتیجه یه واصل اولق ایستورز : قوانین موضوعه، خلقی طوغرولغه، فضیلت اخلاقیه یه سوق وداثما همجنسینه قارشو دسیسه ایله غلبه چالقدن منع ایدمجه احکامی حاوی بولمق

لازمدر . قانونلرك متننده اوفق بر اخلاق ، سوء تفسیره مساعد اهمیتسز بر نقطه ، چوق کره خلق طوغرولقدن ، حقیقتی و صرف حقیقتی سویلکدن اوزاقلاشدیره بیلیر . حکامك علم و فضلی ، حسن نیت و وسعت قریحه سی اکثریا بوکا مانع اوله ماز .

فکر منی بر مثال ایله توضیح ایدلم : فرض ایدیکز که بر مال اشترا و ثمنی تأدیه ایتدیکز ؛ یاخود برینی بر مدت استخدام ایتدکدن صوکره اجرتی و یروب صاودیکز . آرتق سزدن هیچ برشی آرامق حقنی حائز اولمیان اوبایع و یا اجیر علیکزه اقامه دعوی و ثمن مبیع و یا اجرت طلب ایتدیکز تقدیرده سز ، کال خلوص ایله حضور محکمه ده : فی الحقیقه بومالی صاتون آلدیم ؛ و یا بو آدمی استخدام ایتدم ایسه ده مالک پازرسنی ، و یا اجرتی و یردم . « یولنده علی وجه الصحه برمدافعه ده بولنورسه کز ، بیلکز که حقیقت حالی سویلککزدن طولایی دعوایی غائب ایتدیکز . چونکه اومالی صاتون آلدیفکزی و یا او آدمی استخدام ایتدیککزی سویلککه ، « سبب دعوی » بی یعنی اشترا و یا استخدام کیفیتنی اقرار ایتمش عد اولنورسکز . ثمن مبیعی و یا اجرتی تسویه ایتدیککزه دائر اولان سوزیکز ، « دفع دعوی » به حمل اولندیغنی جهته بو دفع دعوا کزی اثبات ایله مکلف بولنورسکز . حالبوکه بر مالک ثمنی تأدیه و یا بر اجیرک اجرتی تسویه ایدرکن ، شاهد بولندورمق و سند آلمق معتاد و حتی اکثریا ممکن اولدیغندن بالطبع دفع دعوا کزی اثبات ایدمه من و دساس خصمکزه بر عین تکلیفنده مضطر قالیرسکز . شمدی اخلاق نقطه نظرندن مسئله بی بر آرز تدقیق و محاکمه ایدلم : ثمن مبیعی و یا اجرتی آلمش ایکن سائقه نسیان و یا قصد اضرار ایله سزدن دعوی ایدن آدم ، طبیعی عین ایتدکدن ده هیچ چکنمز . اگر ثمنی و یا اجرتی آلدیغنی اونوتمش ایسه او آدمه اخلاقسز ، دساس عنوانی و یره مه یز . چونکه قناعت وجدانیه سی دائره سنده عین ایتشدیر . فقط آلدیغنی پک اعلا بیلدیکی حالده قصد اضرار ایله عین ایتشی بر فضیحه اخلاقیه در . بونکه برابر ، نتیجه اعتباریله سز ، محضا طوغری بی سویلش اولدیغکزدن طولایی محکوم اولورسکز !

بوقاعده نك پک شدید اولدیغنی کورن علمای حقوق بوکا بر چاره تحری ایتشلر و بوکی احواله میدان و یرمه مك ایچون مدعی علیه « حاصلی انکار » بولنی آچشلردر .

شمدی بو طرز مدافعه نك موضوع بحثسز اولان مسئله ده صورت تطبیقنی کوسترم : مدعی علیه صقیله محکمه به جلب اولندیغکز وقت ، حاکمك واقع اوله جق سؤالنه قارشو ، سز ، بالاده کی صورت مدافعه کزدن صرف نظرله : « بنم مدعی به هیچ بر بورجم یوقدر . « دییه جکسکز . بوجوابکز کافی عد اولنیور . بونک نتیجه سی نه در ؟ صفحه دعوی شوافاده کز ایله دکیشیور . سز ، بورجکز اولدیغنی انکار ایتدیککزدن مدعی دعواسنی اثبات ایله مکلف طوتیلور .

کور یاییور که بو طریق مدافعه اولکی قاعده نك شدتی تعدیل و بر درجه به قدر نتایج وخیمه سی تهوین ایتمکه برابر حد داننده عموم خلک استفاده ایدمه بیله جکی بر ماهیتده دکدر . چونکه بو طریقدن استفاده ، آنجق بونی بیلنله انحصار ایدر و بیلمه یلر - که اکثریتی تشکیل ایتدکده در - محضا حقیقتی سویلش اولدقلرندن طولایی ضرر کورورلر . بوا یسه عدالت موافق بر اصول اوله ماز . ده ایلرو سنه کیدمرك دیرز که : بو طریق اختیار ایتک ، حقیقتی سویلکدن چکنمک دیمکدر . اوحالده بوقاعده ، خلقی طوغری سویلکدن منع ایدیور ؛ بناء علیه قوانین موضوعه نك استهداف ایتدیکی غایه اخلاقیه ده موافق دکدر .

برنجی طرز مدافعتك تأثیراتی تهوین مقصدیه وضع ایدیلن « حاصلی انکار » طریقنی طوتمه دن عجباً برنجی شکلی قسماً « اقرار » و قسماً « دفع » عد ایتیه رك هیئت مجموعه سنی صرف انکار تلقی ایتك، حکمت حقوق و روح قانونه دها موافق اولماز می ؟ او حالده مدعاسنی اثبات کلفتی مدعی علیه دکل ، بحق مدعی به توجیه ایدلش اولور. مالک ثمنی ویا اجیرك اجرتی ویرمش اولدیغکز حالده علیهمکزه اقامه دعوی ایتش اولان مدعی ، مغایر حقیقت اولان دعواسنی قولای قولای اثبات ایدمه میه جکندن سزه بریمین توجه ایدرکه بونی ادا ده هیچ تردد کوسترمزسکز.

برجوق فوائدی آشکار اولان بو طرز تلقی ، قاعده اصولیه اولق اوزره قبول ایدلدیکی تقدیرده توزیع عدالت واحقاق حق نقطه نظرندن مهم براساس وضع اولمش اولور. نظریات حقوقیه مزدخی بواسوله مغایر بردستوری محتوی دکلدر فکرنده یز. بوخصوصده برحاکمه یوروتدیگمز حالده کورپرز که اساساً بایع ویا اجیرحین عقدده شهود احضار ویا بروثیقه تحریریه تنظیم ایتکله مکلف ایدی. بناء علیه کندیسنه بوکلفت صوکرده دن دکل ابتداء تحمیل ایدلشد. شاید ابتداء بووظیفه سنی ایفا ایتهمش ایهه بونکه مشتری به ویا مستأجره امنیت ایتش یعنی - تعبیر شرعیسی وجهله - مشتری بی ویا مستأجری « امین » اتخاذ ایتش، و امنیت ایهه متقابل بولمش اولدیغندن بو صورتله حرکت ایدن بایع ویا اجیره قارشو مشتری ویا مستأجرده خی بالطبع عینیه مقابله به وجداناً مجبوردر و ثمن میعی ویا اجرتی ویریرکن شاهد احضار ویا بروثیقه تحریریه طلب ایتکی شمار انسانیته موافق کورمز. ایشته بواساسه بناء دیرز که : مقابله امنیت ایدن مدعی علیه دکل، ابتداء امنیت ایدن مدعینك مدعی علیه قارشو بریمین تکلیفه حتی اوللیدر.

قوانینك استهداف ابتدکی غایه ، توزیع عدالت واحقاق قضیه لری اولنجه ، حقاك تظاهری ایچون وضع اولنان قواعد و اصولاتك روحی ، هر حالده حقیقت حالی تبیینه صالح وسائط و وسائله قارشو صحابتکار بروضعیتده بولتلیدر.

اونوتماملی یز که خلق، حق و حقیقه قارشو دائماً سرفرو ایدر. فقط معوج یولر تعقیبیه تظاهر ایدمك حقایق ، خلق پكده علاقه دار ایتز. چونکه او، صاف دلدر ؛ حقیقتی هر درلو ستردلردن هاری اوله رق کورمك ایستر ، بونکا بناء احکام قانونیه و اصولات موضوعه خلقی طوغرو سولمکه ، حقیقتدن آیرلامغه ، اونی هیچ بر صورتده انکار ایتهمکه سوق ایتلی در. بر مثال ایله مسئله بی ایضاج ایدم : انکترده صلح حاکم لری آنجق مدعایه اقرار ایدنلر حقنده حکم ویریرلر. انکار ایدنلرک محاکمه سی مافوق محاکمه عائددر. فقط انکاره رغماً مدعایه ثبوت بولدیغنی تقدیرده ، منکر، صلح حاکمی حضورنده یالان سولدیگندن طولایی جزا کورور.

موضوع بحث ایتدیگمز ماده صرف مطالعات ذاتیه مزك محصولی دکلدر. حکام کرام ورققای مسلکمزك اکثریسی بوقطه ده فکر مزه اشتراك ایتکده درلر. حتی بومسروداتمزك قسم اعظمی محترم برحاکمک ائراهای اولدیغندن بونلرک علمای حقوق واختصاص مزجه تدقیق بیورولق اوزره انظار عامیه وضعنی وظیفه دن عد ایتدک .